



Број/Број: 01/a -50 – 1 – 15 – 74/10
Сарајево/Sarajevo, 26. марта 2010.

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: **Обавјештење**

Predstavnički dom Parlamentarne skupštine BiH je na 74. sjednici, održanoj 24. 3. 2010., razmatrao materijale koji su u nadležnosti i Doma naroda, o čemu vas obavještavamo kako slijedi:

1. Prijedlog strategije razvoja sporta u Bosni i Hercegovini, predlagač: Vijeće ministara BiH, broj: 01,02-35-372/10, od 24.2.2010.,
2. Rasprava o Izvještaju o aktivnostima Vijeća Evrope u 2009.godini, prijedlog za razmatranje: Delegacija PSBiH u Parlamentarnoj skupštini Vijeća Evrope, materijal broj: 04/1-05-5/10, od 12.2.2010.,
3. Izvještaj o aktivnostima na projektu „Autoput na Koridoru Vc“ i Plan narednih aktivnosti, materijal Ministarstva komunikacija i prometa BiH, broj: 01,02,01/5-29-371/10, od 24.2.2010.,
4. Izvještaj o radu Ureda za razmatranje žalbi u 2009.godini, materijal Ureda za razmatranje žalbi broj: 01,02-50-3-386/10, od 26.2.2010.

Ad.1.

Dom je *usvojio* zaključak koji glasi:

„Zadužuje se Ustavnopravna komisija da o Prijedlogu strategije organizira javnu raspravu te da Domu dostavi izvještaj radi konačnog usvajanja Strategije razvoja sporta u BiH“.

Ad.2.

Dom je *usvojio* zaključke Komisije za vanjske poslove broj 1.,3.,4. i 5. koji glase:

1. **Predstavnički dom prima k znanju Izvještaj o aktivnostima Vijeća Evrope u 2009. godini s priloženim dokumentima,**
2. **Predstavnički dom preporučuje da se Izvještaj o funkcioniranju demokratskih institucija BiH, Rezolucija 1701 (2010) i Preporuka 1894 (2010) prosljede nižim nivoima vlasti na upoznavanje i prepoznavanje svog dijela obaveza iz ovih dokumenata,**
3. **Predstavnički dom urgira da se ubrza ratifikacija Povelje o regionalnim i manjinskim jezicima, što je jedna od preostalih postprijemnih obaveza,**
4. **Predstavnički dom poziva Predsjedništvo BiH da ubrza proces imenovanja predstavnika BiH u međunarodnim tijelima, i to Evropskom komitetu za sprečavanje mučenja i nehumanog ili degradirajućeg tretmana ili kazne,**

Savjetodavnom komitetu Okvirne konvencije za zaštitu nacionalnih manjina, Evropskom komitetu protiv rasizma i netolerancije i Venecijanskoj komisiji.

Zaključak broj 2. nije dobio potrebnu entitetsku većinu, pa slijedi usaglašavanje u Kolegiju kao komisiji. Zaključak glasi:

„Predstavnički dom traži od Vijeća ministara BiH da izradi akcioni plan po kojem bi se operativno na jasan način uredilo pitanje ispunjavanja obaveza i preporuka iz Izvještaja o funkcioniranju demokratskih institucija BiH, Rezolucije 1701 (2010) i Preporuke 1894 (2010).“

Ad.3.

Dom je usvojio Izvještaj o aktivnostima na projektu „Autoput na Koridoru Vc“ i Plan narednih aktivnosti.

Ad.4.

Dom *je usvojio* Izvještaj o radu Ureda za razmatranje žalbi u 2009.godini s Mišljenjem Komisije za finansije i budžet.

Usvojeni su i sljedeći zaključci:

- 1. Predstavnički dom Parlamentarne skupštine BIH traži od Ureda za razmatranje žalbi da pripremi i realizira program mjera za rješavanje svih žalbi u postupku javnih nabavki u propisanom roku.**
- 2. U godišnjem izvještaju o radu Ureda za razmatranje žalbi potrebno je u posebnoj poglavlju obraditi žalbe koje nisu riješene u propisanom roku s precizno iznesenim razlozima za produženje vremena rješavanja u odnosu na propisano vrijeme.**

**PREDSJEDAVAJUĆI
PREDSTAVNIČKOG DOMA
dr. Milorad Živković, s.r.**